

«Etorkizuna erabakitzeke, indar armatu atzerritarrek alde egitea» eskatu dute AABek

Etzi manifestazioak izango dira eskualdeburuetan, 9an hiriburuetan eta 12an nazionala

Joseba Arruti / Bilbo

Amnistiaren Aldeko Batzordeek **Alde Hemendik!** kanpaina jarri dute abian, «Euskal Herriari bere etorkizuna erabakitzeko ez uzteko Espainiako eta Frantziako estatuek baliatzen dituzten indar armatuek alde egin dezaten exijitzeko». Barikuan eskualdeburuetako kuartelen aurrean egingo dira manifestazioak, eta zapatuan, aldiz, Hego Euskal Herriko lau hiriburuetan. Asteartean, EHk deituta, manifestazio nazionala izanen da Donostian, eta AABek horrekin bat egin dute.

«ESTATU ESPAINIARRAK eta frantsesak txantaia egiten diote Euskal Herriari, gaur egungo egoera politikoak aldaketarik izan ez dezan euren indar armatuez baliatzen direlako». Iritzi horretatik abiatu zen atzo Aitor Jugo Amnistiaren Aldeko Batzordeetako Bizkaiko koordinatzailea **Alde Hemendik!** kanpainaren hasieraren berri emateko. Beronen helburua «euskal gizarteari bere etorkizuna erabakitzen uzten ez dioten indar armatu atzerritarrek Euskal Herriatik joan daitezkeen eskatzea» da. Horretarako, eskualde guztietako herri nagusietako kuartelen aurrean manifestazioak egingo dira datorren barikuan, eta zapatuan, berriz, Hegoaldeko lau hiriburuetan.



Tomas Linaza, Bego Galdeano eta Aitor Jugo azaldu ziren **Alde Hemendik!** kanpainaren aurkezpena egiteko.

Aitor Jugorekin batera, Begoña Galdeano HBko diputatua eta Tomas Linaza Guardia Zibilak torturatutakoa agertu ziren prentsaurrekoan. Galdeanok adierazi zuenez, «ETAren su-etenak eta Lizarra-Garaziko akordioak ilusioa piztu dute hiritarren artean eta prozesu politiko honek euskal gizarteari bere hitza berreskuratzeko aukera eman dio». Galdeanoren ustez, «gatazka politikoa irtenbide politikoa eman behar zaion arren, euskal gizarteak ezin izango du bere etorkizuna askatasunez erabaki indar armatu espainiarrek eta frantsesek hemen jarraitzen duten bitartean».

Azkenik, Xabier Galdeano GALEk eraildako kazetariaren alabak adierazi zuenez, «estatuaren errepresioa jasan dugunok ez dugu oztupo izan nahi prozesu politiko honetan eta espainiar intransigentziaren biktimen zerrendan izen gehiago agertu behar ez izatea da gure helburu bakarra».

Etorkizuna askatasunez erabaki

Aitor Jugoren iritziz, «Lizarra-Garazi bere etorkizuna era-

baki nahi duen herri baten adierazpena da eta, horren aurrean, gaur egungo egoera politikoari dagokionez, alde batean herri honek bere etorkizuna bere kabuz eta mugarik gabe erabaki dezan onartzen dugunok eta erabakitakoa errespetatzeko prest gaudenok kokatzen gara eta bestean, aldiz, erabakitzeke eskubideari berari ere uko egiten diotenak kokatu dira». Jugorentzat, «azken hauek indar armatuez baliatzen dira egungo egoera politikoak bere horretan jarrai dezan eta hori inposizio hutsa da».

Jugoren esanetan, «kuartel bat Euskal Herriaren azalean jarritako benetako inkrustazio antidemokratikoa baizik ez da» eta, ondorioz, «behar-beharrezkoa da euskal gizarteak horien aurka duen jarraera kalean azaltzea».

Malatxak bat egin du AABek eta EHk deitu manifestazioekin

MALATXA taldeak bat egin du Amnistiaren Aldeko Batzordeek deituta datorren barikuan eta zapatuan egingo diren manifestazioekin, eta baita Euskal Herriarrok deituta hilaren 12an Donostiako Intxaurrendoko kuartelaren aurrean egingo denarekin ere. Talde horren iritziz, «espainiar indar militarrek eta poliziak gure herritik alde egin behar dute, hori oinarritzko neurri demokratikoa baita euskal gizartearen borondatea eta subiranotasuna errespetatua izan dadin, armen indarrez zapaltzeko mehatxurik gabe». Horren aurrean, «indar armatuen lana Euskal Herriak gaur egun bizi duen ilusioz beteriko distentsio prozesu hau boikotatzea da, eta baita euskal gizarteak bere erabakia errespetatua izan dadin duen eskubidea zapaltzea ere».

Malatxak adierazten duenez, «deialdi hauek ez dira sinbolikoki egiten Guardia Zibilaren aurka eta zehatzago Hispanitatearen ospakizuna datorrelako, Euskal Herrian 12.000 militar eta espainiar poliziaren presentziak gizartearen eragiten duen gogaiduraren ondorioz baizik». Malatxakoek «okupazio arrotzaren eta honek eragiten duen errepresio odoltsuaren eta inposaketa legislatiboa, ekonomikoa, kulturala eta politikoaren amaiera» eskatzen dute, horiek baitira «Euskal herriak bizi duen gatazka militarren jatorria». Euskal herritarrek «guardia zibilen eta militarren gainetik beren eskubideak gauzatu» behar dituztela deritzo Malatxak.

Masa kereilatu egin da Brouard kasuko epailearen aurka, prebarikatu duelakoan

■ Dokumentu publikoa faltsutu izana ere egozten diote Armengoli

Erredakzioa / Bilbo

RAFAEL MASA Guardia Zibileko teniente koronelaren abokatua defendatzaileek «prebarikazioa egiteaz eta dokumentu publikoa faltsutzeaz» akusatu dute Jose Luis Gonzalez Armengol, Brouard kasuko epailea, eta kereila bat aurkeztu dute haren aurka. Horrez gain, Armengol epailaren idazkariari ere faltsutze delitu bat leporatzen diote kereilan.

Alde batetik, «jakinaren gainean egonda bidegabeko ebazpena diktatu izana» egozten diote epaileari, Masa guardia zibila izan arren ez zuelako kartzela militar batera bidali nahi izan. Horrez gain, dokumentu publikoa faltsutzeak akusatu dituzte epailea bera eta bere idazkaria, bi ebazpenetan adierazi baitzuten Mohand Talbi GALEko mertzenario izandakoa epaitegira deitzen zutela Juan Jose Rodriguez Diaz El

Frances-ek kasuan nahastu zuelako. Hala ere, Rodriguez Diazek ukatu egin zuen Talbi ezagutzen zuela.

Fiskalaren errekurtsioa

Bestalde, Maria Angeles Montes EAEko Justizia Auzitegi Nagusiko fiskalak errekurtsio bat aurkeztu du, epaileak Julian Sancristobalek eta Rafael Masak bere aurka aurkeztutako errekusazioa tramitera onartu ez zuelako.

IK ST K	
ZKEN L Z K	
G z rt Kulur n m z tz l S x u H z k t st l k r l st l k Zuz n r G z l L ku k Eusk l J l s k Eusk r Sus n z l In nru r k H z k t 3. u k n m z tz l	urtx ntx sk l  GI UZK (3 27 27)